

集部

欽定四庫全書等

詳校官檢討也德 生

侍讀臣孫球覆勘 總校官進士臣楊想折

校對官編修臣汪 **腾録監生臣劉**

鏞

澐

「こうけん」 ノールーラ 西亭記柳宗元 流泉山之會果去是其見 将有見馬照謂余曰是其下 見照照居寺西蕪一 唐順之 編

馬芝馬天為之益髙地為之加闢丘陵山谷之峻江湖地 則嚮之礙之者為果礙耶今之闢之者為果闢耶彼所謂 空色之實而游乎物之終始其照也逾寂其覺也逾有然 斯而不蚤為是也余謂昔之上人者很起宴坐足以觀於 禄秩以為其亭其髙且廣蓋方丈者二馬或異照之居於 曠也余時商為州司馬官外常員而心得無事乃取官之 澤之大咸若有增廣之者夫其地之奇必以遺乎後不可 矣遂命僕人持刀斧犀而翦馬叢恭下顏萬類皆出曠 卷五十七 取定四車全套- 一大端 **瞰風雨不可病其敞也因其與雖增以茂樹聚石穹若** 游之通大率有二曠如也與如也如斯而已其地之凌 覺而照者吾能知其不由是道也豈若吾族之挈挈於 洞谷翁若林麓不可病其遂也今所謂東丘者與之 迴合則於與宜因其曠雖增以崇臺延閣迴環日星臨 阻峭出幽鬱寥廓悠長則於曠宜抵丘垤伏灌恭迫遽 通塞有無之方以自狹耶或曰然則宜書之乃書于石 水州龍與寺東丘記柳宗元 -1

派若是其曠也而於是小丘又將披而攘之則吾所 者也其始愈之外棄地余得而合馬以屬於堂之北垂 游有二者無乃闕馬而喪其地之宜乎丘之幽幽可 與水之佳寺也登高殿可以望南極闢大門可以瞅 縟幽陰薈蔚步武錯近不知所出温風不爍清氣自至 松杉楩枘之植幾三百本嘉卉美石又經緯之俛入緑 水亭陿室曲有與趣然而至馬者往往以邃為病噫龍 凡坳窪坻岸之狀無廢其故屛以密竹聨以曲梁桂 湘

一次定四車全書 一人 約必視其用力之多少而必當然後各食其力而無慙 伐之及也故書以祈後君子 者也用力勞者其得厚用力輸者其得薄以其得之豐 賈江湖歲一賈其入數千萬遷之謀曰夫民力役以生 相潭縣樂師院新修佛殿者縣民李遷之所為也**遷之** 遷兹丘之顛與乎兹丘孰從我游余無召公之德懼朝 處休丘之窅窅可以觀妙溽暑遁去兹丘之下太和不 相潭縣修樂師院佛殿記歐陽修 大編

屠之為善其法曰有能捨已之有以崇飾尊嚴我則能 後所食皆不過其勞今我則不然徒幸物之廢與而上 我欺平我斗斛權衡而不我踰出入關市而不我虞我 至逸以安而得則過之我有慙於彼馬凡誠我契而不 此工之盡力也斤厮鉏夷献畝樹藝此農之盡力也然 馬士非我匹若工農則吾等也夫琢磨煎鍊調筋柔草 何能馬是皆在上而為政者以庇我也何以報馬聞浮 **卜其價權時輕重而操其竒 嬴游嬉以浮於江湖用力**

赴夷陵自真州假其舟行次海陽見買一石磐而載于 祐二年十二月癸酉記三年二月甲寅以成其秋會予 贾為生而能知夫力少而得厚以為幸又知在上者 庇 造歲月也視其色若欲得予記而不敢言也因善其以 舟問其所欲用之因具言其所為且曰欲歸而記其始 施以報馬且為善也於是得此寺廢殿而新之又如其 陰相之凡有所欲皆如志乃曰盍用我之有所得於此 法作釋迎佛十六羅漢塑像皆備凡用錢二十萬自景

學浮圖法咸平五年始去氏削髮入僧籍後二十四年 為之作記問其寺始造之由及其歲月皆不能道也 | 欽定四庫全書 始為童子解家人入洛陽妙覺禪院依真行大師患璿 與國辛已之歲終於明道癸酉之正月壽五十有三年 明因大師道詮姓衛氏并州文水縣民家子生於太平 已而思有以報顧其所為之心又趨為善皆可喜也乃 賜紫衣遂主其衆又四年賜號明因無領右街教門事 明因大師塔記歐陽修

土風乎其民俗何若信若詩之所謂乎詩去今餘千歲 矣猶若詩之時乎其亦隨世而遷變也曰樹麻而衣陶 風言晉本唐之俗其民被堯之德化且詩多以儉剌然 山下始道詮未死時予過其廬問其年幾何曰五十有 **尾而食築土而室甘辛苦薄滋味歳耕日積有餘則窖** 其勤生以儉嗇朴厚而純固最得古之遺風今能言其 凡為僧三十有一年卒之明年其徒以骨葬城南龍門 矣問其何許人也日本太原農家也因與語曰詩唐

息勞苦為太平之幸人并平後二歲我始生幼又依浮 戰勞告幾百年不得息既而聖人出四方次第平 兵臨城門係繼元以歸并民然後被政教棄兵專農休 次出三天子劉崇父子又自為國故民熟兵關饟軍死 雄亦卒以王既而晋祖又以王漢又以王遭時之故相 今而不變也又言為兒時聞長老語晉自春秋為威國 至唐其并以與世為北京及朱氏有中土後唐倚并為 而藏之率千百年不輒發其勤且儉誠有古之遺風至 日

| 欽定四庫全書

卷五十七

欽定四庫全書 常語予者志歲月云廟 為之則然及其葬其徒有求予誌其始終者因并書其 居而不樂不樂而不去為自欺且為欺天益君子恥食 予爱其語朴而詳它日復過其廬莫見也訪之曰死矣 **圖生不見干戈長不執耒耜衣不麻食不尾室不土力** 不穑而休乃并人之又幸者也今老矣且病即死無恨 人之居乎此也其必有樂乎此也居斯樂不樂不居也 彭州圓覺禪院記蘇洵 . .編

放居而不樂不樂而不去是其心且不能取其形而况 言故其徒之欲求知於吾士大夫之間者往往自叛其 能以取它人哉自唐以來天下士大夫爭以排釋老為 使我以心取也今日欲適春明日欲適越天下誰我禦 其食而無其功恥服其服而不知其事故居而不樂吾 師以求容於吾而吾士大夫亦喜其來而接之以禮靈 有吐食脱服以逃天下之譏而已耳天之界我以形而 徒飲酒食肉以自絕於其教嗚呼歸 爾父子

灰 包 車 全 書 悦子也故為之記曰彭州龍與寺僧平潤講圓覺經有 其院之所以得名者請予為記予住聰之不以叛其師 年而所居圓覺院大治一日為予道其先師平潤事與 及至蜀間其自京師歸布衣蔬食以為其徒先凡若干 外交故季布之忠於楚也雖不如蕭韓之先覺而比丁 復爾室家而後吾許爾以叛爾師父子之不歸室家之 公之貳則為愈予在京師彭州僧保聰來求識予甚勤 不復而師之叛是不可以一日立于天下傳曰人臣無 . 丈

院以成是為記 奇因以名院院始與不靠潤之來始得隙地以作堂字 雖然非無身無以舉千萬億身之東非 無所聞始於無所聞而能無所不聞能無所聞雖無身 凡更二僧而至于保聰聰又合其鄰之僧屋若干於其 大悲者觀世音之變也觀世音由聞而覺始於聞而能 也能無所不聞雖千萬億身可也而况於手與目乎 大悲閣記蘇軾 千萬億身無以

卷五十

為之動放一毛而身為之變然則髮皆吾頭而毛孔皆 級雖有智者有所不暇矣而况千手異執而千目各視 右手執削日數飛雁而耳節鳴鼓首肯旁人而足識梯 吾身也彼皆吾頭而不能為頭之用彼皆吾身而不能 吾頭髮不可勝數而身毛乳亦不可勝數牽一髮而頭 具身之智則物有以亂之矣吾將使世人左手運斤而 陀羅臂八萬四千清淨實目其道一國昔吾當觀於此 示無身之至故散而為千萬億身聚而為八萬四千母

次元の野人はかり

其義欲以如幻三昧為一方首乃以大旃檀作菩薩像 理則具矣彼佛菩薩亦然雖一身不成二佛而 |乎及吾燕坐寂然心念凝默湛然如大明鏡人鬼鳥獸 而何獨疑於大悲乎成都西南大都會也佛事最勝而 大悲之像未睹其傑有法師敏行者能讀內外教博通 雜陳乎吾前色聲香味交遘乎吾體心雖不起而物無 金片口人 不接接必有道即千手之出千日之運雖未可得見而 '河沙諸國非有它也觸而不亂至而能應理有必至 卷五十七 一佛能

久己日·西八小 千手目與一手目同物至心亦至曽不作思慮隨其所 為道其所以然者且領之日 能具備手各有目無妄舉者復作大閣以覆菩薩雄偉 吾觀世間人兩目兩手臂物至不能應狂感失所措其 肚峙工與像稱都人作禮因敬生悟余游於四方二十 端嚴妙麗具慈愍性手臂錯出開合棒執指彈摩拊千 餘年矣雖未得歸而想見其處敏行使其徒法震乞文 有欲應者顛倒作思慮思慮非真實無異無手目菩薩 支編

無 當應無不得其當引弓挾白羽劒盾諸械器經卷及香 華孟水青楊枝珊瑚大寶炬白拂朱藤杖所遇無不執 心法皆具千手目 手當千心 所執無有疑緣何得無疑以我無心故若猶有心者千 **永以為羞五味以為和秫稻以為酒麴漿以作** 心手手得其處稽首大悲尊願度一 大悲閣記蘇軾 一人而千心內自相攫攘何暇能應物千手 一切衆皆證無

學者之病亦然天文地理音樂律歷宫廟服器冠昏 知酒食之所以美也而畧其分齊捨其度數以為不在 見馬人見其二也則求精於數外而棄迹以逐妙曰我 數取鳅然古之為方者未當遺數也能者即數以得妙 是也而一以意造則其不為人之所嘔棄者寡矣今吾 不能者循數以得其畧其出一也有能有不能而精粗 欠三日 年二二 也而二人為之則美惡不齊豈其所以美者不可以 艾編

·之所同也其材同其水火之齊均其寒煖燥濕之候

皆不足學學其不可傳於書而載於口者子夏曰日知 其所亡者果何物而所能者果何事數孔子曰吾當終 亡與其所能皆可以一二數而日月見也如今世之學 其所亡月無忘其所能可謂好學也已古之學者其所 以廢與與其人之賢不肖此學者之所宜盡力也曰是 而徒思者孔子之所禁而今世之所上也豈惟吾學者 日不食終夜不寢以思無益不如學也由是觀之廢學

紀之法春秋之所去取禮之所可刑之所禁歷代之所

金分正是石量

友已可是 觀世音像而誦其名千萬遍病已而力不給則縮衣節 年而得惡疾且死自誓於佛顧持律終身且造千手眼 中無心其口無言其身無為則飽食而嬉而已是為大 佛之所以日夜教人者也而其徒或者以為齊戒持律 口三十餘年銖積寸累以迄于成其萬九仞為大屋四 以欺佛者也杭州鹽官安國寺僧居則自九歲出家十 至於為佛者亦然齊戒持律講誦其書而崇飾塔廟此 不如無心講誦其書不如無言崇飾塔廟不如無為其

士云 益僅有從者獨喜則之勤苦從事於有為篤志守節老 重以居之而求文以為記余當以斯語告東南之 金げんにんろうじ **兀豐三年歲在庚申有大比丘惟簡號已寶月修行** 以無量實黃金丹砂琉璃真珠 勝相院經藏記蘇軾 衰異大為大以欺佛者故為記之且以風吾黨)摩鉢提在蜀成都大聖慈寺故中和院賜名勝相 卷五十七

根性各有所得如聚飢人入於大倉雖未得食己有飽 假言語自然顯見苦空無我無量妙義凡見聞者隨且 自相磨激璀璨芳郁玲瓏宛轉生出諸相變化無窮 神各執其物以禦不祥是諸衆賢及諸佛子光色聲香 菩薩語作大寶藏湧起于海有大天龍背負而出及諸 小龍糾結環繞諸化菩薩及護法神鎮守其門天魔鬼 無礙飯恣食取飽自然不飢又能取樂以療忠 八如病人 遊於樂市開聚樂香病自衰減更能取米

結習口業妄言綺語論説古今是非成敗以是業故所 兒乃至無有毫髮可捨私自念言我今惟有無始已來 其身及其室廬求可捨者了無一物如焦穀芽如石女 技皆舍所爱及諸結習而作佛事求脱煩惱濁惡苦海 量衆時見聞者皆爭捨施富者出財壯者出力巧者出 江淮間聞是比丘作是佛事即欲隨衆舍所爱習周視 病有盡而樂無窮須史之間無病可療以是因緣度無 一居士其先蜀人與是比丘有大因緣去國流浪在

卷五十七

我遊泉寶山見山不見寶嚴谷及草 知實所在欲取不可得復有求實者自言已得實見審 稽首西望而説倡言 者作是倡已盡未來世永斷諸業客塵妄想及諸理障 出言語猶如鐘磬黼黻文章悦可耳目如人善博日勝 日員自云是巧不知是業今捨此業作實藏偈願我今 切世間無取無舍無憎無愛無可無不可時此居士 八未嘗知是夢既 虎豹諸龍蛇雖

言於 夢り **梨與橘柚說甜而得酸以及鹹辛苦忽然反自味舌根** 有甜相我爾默自知不煩更相說我令說此偈於道亦 者覺夢兩無有我觀大寶藏如以蜜說甜眾生未諭故 復以甜說蜜甜蜜更相說千切無窮盡自蜜及甘蔗香 云遠如眼根自見是眼非我有當有無耳人聽此非古)所夢即變減見我不見夢因以我為覺不知真覺 彈指頃洗我千劫罪 和勝相院記蘇軾

欽定四庫全書

欧定四事全書 身念之寝食見之如是僅可以稱沙門比丘雖名為不 踐荆棘地虺袒裸雪霜或刲割屠膾燔烧烹煮以肉飼 務苦瘠其身自身口意莫不有禁其畧十其詳無數終 後成其不能此者猶棄絕骨肉衣麻布食草木之實書 虎豹鳥鳥蚊蚋無所不至茹苦含辛更百千萬億生而 佛之道難成言之使人悲酸愁苦其始學之皆入山林 耕而食然其勞苦早辱則過於農工逐矣計其利害非 日力作以給薪水糞除莫夜持膏火熏香事其師如生 . 友

意亦有所便歟寒耕暑耘官又名而役作之凡民之所 一院住小民之所樂今何其棄家毀服壞毛髮者之多也 曹完其語矣大抵務為不可知設械以應敵匿形以備 其名治其荒唐之說攝衣升坐問答自若謂之長老吾 也若我何用是為到其患專取其利不如是而已又爱 惠苦者我皆免馬吾師之所謂戒者為愚夫未達者設 見朝反覆折困之度其所從適而逆閉其塗往往面頭 敗窘則推監滉漾中不可捕捉如是而已矣吾遊四方

歌定四車全書 人 如官府二僧皆吾之所爱而此院又有唐僖宗皇帝像 惟簡則其同門友也其為人精敏過人事佛齊衆謹嚴 也能言唐末五代事傳記所不載者因是與之遊甚熟 者始遊成都見文雅大師惟度器宇落落可爱渾厚人 道魔人也吾之於僧慢侮不信如此今寶月大師惟簡 及其從官文武七十五人其奔走失國與其所以將 發赤然業已為是道勢不得以惡聲相反則笑曰是外 乃以其所居院之本未求吾文為記豈不謬哉然吾昔

文為記五返而益勤余不能已戲為浮屠語以問之曰 文慧大師應符居成都玉谿上為閣曰清風以書來求 是院而度亡矣 傳六世至度與簡簡姓蘇氏眉山人吾遠宗子也今主 而所謂身者汝之所寄也而所謂閣者汝之所以寄 稱者故强為記之始居此者京北人廣寂大師希讓 不遂滅者既足以感慨太息而畫又皆精妙冠世有 清風閣記蘇城

為有邪則雖汝之有是風可也雖為居室而以名之吾 然世之所謂已有而不惑者其與是奚辨若是而可以 也汝為居室而以名之吾又為汝記之不亦大惑歟雖 相推而風於是馬生執之而不可得也逐之而不可及 遺形而强應之木生於山水流於淵山與淵且不得有 而人以為己有不亦感數天地之相磨虚空與有物之 安用記乎雖然吾為汝放心遺形而强言之汝亦放心 所寄也身與閣汝不得有而名烏乎施名將無所施而 抵其縣五百里在山谷 窮處其人修農桑之務率數 分寧ノ 嘗試以是觀之 惟而不去也汝隱几而觀之其亦有得乎力生於所激 澤激越乎城郭道路虚徐演漾以汎汝之軒寫欄楯慢 而不自為力故不勞形生於所遇而不自為形故不 又為汝記之可也非惑也風起於着茫之間彷徨乎山 分寧縣雲峯院記曾章 入勤生而嗇施薄義而喜爭其土俗然也自府來

郵定四庫全書

卷五十七

·計結黨訴張事關節以動視聽甚者畫刻金木為章印 寧死無所捐其於施何如也其間利害不能以梯米父 宜雜植五穀無廢壤女婦監丹無解人茶鹽蜜紙竹箭 知也長少挨坐里間相講語以法律意嚮小戻則相告 田千畝廪實藏錢至累歲不發然時捐一錢可以易死 村葦之貨無有纖鉅治咸盡其身力其勤如此富者無 之家留一人守舍行饁其外盡在田田高下碗腴隨所 子兄弟夫婦相去若实甚然於其親固然於義厚海可

其學其歸未能當於義然治生事不廢其動亦稱其上 欽定四庫全書 鼓魚螺鐘磬之編百器備完吾剛道常氣質偉然雖索 殿寝言言棲客之廬癬庖庫庾序列兩傍浮圖所用鏡 未易治教使移也雲峰院在縣極西界無籍圖不知自 徒死交迹一不以屬心其喜爭訟豈比它州縣哉民雖 **摹文書以給吏立縣庭下變偽一日百千出故雖答朴** 何時立景德三年色僧道常治其院而侈之門園靚深 勤而習如是漸溢入骨髓故賢令長佐吏比肩常病其

設定四車全書 者寵嘉之使刻示邑人具有激也 咸曰然推其徒子思來請記遂來予不讓為申其可言 此子未敢必也慶歷三年九月與其徒謀曰吾排達 相與圖文字買石刻之使永永與是院俱傳可不可也 治是院不自意成就如此今老矣恐泯泯無聲界來人 溺其所學其歸一當於義則傑然時邑人者必道常乎 若能獨勝其嗇施喜爭之心可言也或曰使其人不汨 俗至有餘輒斥散之不為黍累計惜樂淡泊無累則又

余不可以無記也定以熙寧元年四月十日十年九月 空空以觀有幻亦實幻實果有辨乎然則如子所睹可 瑞圖示臨川王某求記其事某曰有有以觀空空亦幻 以記可以無記記無記果亦有辨乎雖然子既圖之矣 番陽劉定嘗登廬山臨文殊金像所沒之谷睹光明雲 二十七日睹某以元豐元年十一月二十三日記 廬山文殊像現瑞記王安石 游黄溪記柳宗元

設定四車公野 其客若剖大雞側立千尺溪水即馬黛蓄膏停來若白 葉駢植與山升降其缺者為崖峭嚴窟水之中皆小石 平布黄神之上掲水八十步至初潭最奇麗殆不可狀 南行六百步至黄神祠祠之上兩山牆立如丹碧之華 而村者以百數黄溪最善黄溪距州治七十里由東屯 于湘之源南至于瀧泉東至于黄溪東屯其間名山水 州者以百數水最善環水之治百里北至于浯溪西至 北之晉西適豳東極吳南至楚越之交其間名山水而 . . 編

女曰黄皇室主黄與王聲相週而又有本其所以傳言 地傳者曰黄神王姓恭之世也恭既死神更號黄氏逃 里至大冥之川山舒水緩有土田始黄神為人時居其 來擇其深峭者潛馬始恭當曰余黄虞之後也故號其 南數里地皆一狀樹益壯石益瘦水鳴皆鳉然又南 虹沈沈無聲有魚數百尾方來會石下南去又行百步 列可坐飲食有鳥亦首鳥翼大如鵠方東嚮立自是又 至第二潭石皆巍然臨浚流岩類頷断鍔其下大石雜

而游日與其徒上髙山入深林窮迴谿幽泉怪石無遠 自余為像人居是州恒惴慄其隟也則施施而行漫漫 月十六日既歸為記以改後之好游者 立祠後稍徙近乎民令祠在山陰溪水上元和八年 不到到則披草而坐傾壺而醉醉則更相枕以卧意有 者益驗神既居是民咸安馬以為有道死乃俎豆之為 極夢亦同趣覺而起起而歸以為凡是州之山有異 1.10 始得西山宴遊記 一柳宗元

者游而不知其所窮引觴滿酌顏然就醉不知日之入 繚白外與天際四望如一然後知是山之特出不與培 然注然若垤若穴尺寸千里擴感累積莫得逐隱繁青 縁染溪斫榛莽枝茅筏窮山之高而止攀援而登箕路 能者皆我有也而未始知西山之怪特今年九月二十 樓為類悠悠乎與瀕氣俱而莫得其涯洋洋乎與造物 而遇則凡數州之土壤皆在衽席之下其高下之勢的 日因坐法華西亭望西山始指異之遂命僕過湘江

動定匹库全書

巻五十七

大子可見たたう 树環馬有泉懸馬其上有居者以予之亟游也一旦款 東流其類委勢峻盗擊益暴齧其涯故旁廣而中深里 之文以志是歲元和四年也 與萬化冥合然後知吾嚮之未始游游於是乎始故為 蒼然暮色自遠而至至無所見而猶不欲歸心凝形釋 至石乃止流沫成輪然後徐行其清而平者且十畝有 鈷鉧潭在西山西其始益冉水自南奔注抵山石屈折 鈷鉧潭記,柳宗元 Ŧ

兹潭也飲 得西山後八日尋山口西北道二百步又得鈷鉧潭西 於以見天之高氣之迥孰使予樂居夷而忘故上者非 行其泉於高者座之潭有聲深然光與中秋觀月為宜 潭上田貿財以緩禍子樂而如其言則崇其臺延其機 門來告曰不勝官租私券之委績既芟山而更居願以 金片四尾石量 二十五步當湍而浚者為魚梁梁之上有丘馬生竹樹 **鈷鉧潭西小丘記柳宗元** 養五十七

てこう こここ 獸魚之遨遊舉熙熙然迴巧獻技以効兹丘之下枕席 行露竒石顯由其中以望則山之髙雲之浮溪之派鳥 憐而售之李深源元克已時同遊皆大喜出自意外即 問其主曰唐氏之棄地貨而不售問其價曰止四百余 者若熊熊之登于山丘之小不能一畝可以龍而有之 **峻然相累而下者若牛馬之飲于溪其衝然角列而上** 其石之突怒偃蹇負土而出爭為竒狀者殆不可數其 更取器用劇刈穢草代去惡木烈火而焚之嘉木立美 **캋編**

兹丘之遭也 與深源克已獨喜得之是其果有遭乎書於石所以賀 是州也農夫漁父過而陋之買四百連歲不能告而我 雖古好事之士或未能至馬噫以茲丘之勝致之豐鎬 者與神謀淵然而靜者與心謀不匝旬而得異地者二 郭杜則貴游之士爭買者日增千金而愈不可得全棄 **卧則清冷之狀與目謀潛潛之聲與耳謀悠然而虚** 至小丘西小石潭記 柳宗元

金分四周在書

卷五十七

友己日声八三 骨悄馆幽邃以其境過清不可久居乃記之而去同遊 樂潭西南而望斗折蛇行明滅可見其岸勢大月差互 差披拂潭中魚可百許頭皆若空遊無所依日光下徹 不可知其源坐潭上四面竹樹環合寂寥無人凄神 影布石上怡然不動似滴遠逝往來翕忽似與遊者相 之伐竹取道下見小潭水尤清冽全石以為底近岸卷 從小丘西行百二十步隔篁竹聞水聲如鳴珮環心樂 石底以出為坻為嶼為嵁為嚴青樹翠蔓蒙絡搖綴參 구

褐渴上與南館高嶂合下與百家瀨合其中重洲小溪 南水行至燕江可取者三莫若袁家渴皆永中幽麗奇 由溪口而西陸行可取者八九莫若西山由朝陽嚴東 由冉溪西南水行十里山水之可取者五莫若鈷鉧潭 者具武陵襲古余第宗玄縣而從者崔氏二小生曰恕 金げにたる言 處也楚越之間方言謂水之反流者為渴音若衣褐之 已回奉 袁家渴記柳宗元 卷五十七

とこううここう 出而傳於世其地世主表氏故以名馬 此余無以窮其狀永之人未嘗遊馬余得之不敢專也 氣街濤旋瀬退貯谿谷搖颺歲鞋與時推移其大都如 樟柏草則蘭芷又有異卉類合歡而蔓生轇轕水石每 蔚然其旁多嚴洞其下多白礫其耐多楓拂石楠梗樹 風自四山而下振動大木掩苒衆草紛紅駭緑翁勤香 又無際有小山出水中山皆美石石上生青散冬夏常 澄潭淺渚問風曲折平者深黑峻者沸白舟行若窮忽 韻動崖谷視之既静其聴始遠予從州牧得之攬去翳 其流抵大石伏出其下踰石而往有石泓菖蒲被之青 其側皆詭石怪木竒卉美箭可列坐而庥馬風搖其顛 鮮環周又折西行旁陷嚴石下北墮小潭潭幅員減百 其鳴乍大乍細渠之廣或咫尺或倍尺其長可十許步 氢片匹库全書 自渴西南行不能百步得石渠民橋其上有泉幽幽然 八清深多儵魚又北曲行紆餘睨若無窮然卒入于渇 石渠記柳宗元 卷. 五十

陳筵席者限聞與水平布其上流若織文響若操琴揭 て, ブニ 水之大倍石渠三之亘石為底達于兩涯若床若堂若 故累記其所屬遺之其人書之其陽件後好事者求之 踰石得石泓小潭渠之美於是始窮也 得以易元和七年正月八日蠲渠至大石十月十九日 石渠之事既窮上由橋西北下土山之陰民又橋馬其 朽决疏土石既崇而焚既曬而盈惜其未始有傅馬者 石澗記柳宗元

由百家瀬上而來者先石澗後石渠澗之可窮者皆出 絡之流觸激之音皆在床下翠羽之木龍鱗之石均陰 道狭不可窮也 石城村東南其間可樂者數馬其上深山幽林適峭險 履即得意之日與石渠 同由渴而來者先石渠後石澗 其上古之人其有樂乎此即後之來者有能追余之踐 跌而往折竹掃陳葉排腐木可羅胡床十八九居之交 石城山記柳宗元

多定匹庫全書

巻五十七

而列是夷狄更千百年不得一售其伎是固勞而無用 之有無久矣及是愈以為誠有又怪其不為之於中州 奇而堅其疏數偃仰類智者所施設也噫吾疑造物者 若門馬窺之正黑投以小石洞然有水聲其響之激越 **積石横當其垠其上為睥睨梁欐之形其旁出堡塢有** 之無所得其一少北而東不過四十丈土斷而川分有 自西山道口徑北踰黄茅嶺而下有二道其一西出尋 良久乃已環之可上望甚遠無土壤而生嘉樹美箭益

沙之四事全生

文编

ţ

菱谿之石有六其四為人取去其一差小而尤竒亦 此者或曰其氣之靈不為偉人而獨為是物故楚之南 每歲寒霜落水涸而石出谿傍人見其可怪往往祀以 神者儻不宜如是則其果無乎或曰以慰夫賢而辱於 民家其最大者偃然僵卧於谿側以其難徒故得獨存 少人而多石是二者余末信之 菱谿石記歐陽修 **灰谿按圖與經皆不載唐會昌中刺史李濱為荇**

飯定四車全書 異草與此石稱亦一時之盛哉全劉氏之後散為編民 成志得驕於富貴之佚欲而然邪想其陂池臺樹奇不 而乃能知爱賞奇異為兒女子之好豈非遭逢亂世功 密俱起合淝號三十六英雄金其、一也金本武夫悍卒 調行谿者詢於滁州人曰此谿是也楊行密有淮南淮 **谿記云水出永陽嶺西經皇道山下以地求之今無所** 故將劉金之宅石即劉氏之物也金偽具時貴將與行 人為諱其媽名以行為菱理或然也谿傍若有遺址云

戒而好奇之士聞此石者可以一賞而足何必取而去 孫泯没而無聞况欲長有此石乎用此可為富貴者之 士其平生志意豈不偉哉及其後世荒堙零落至於子 免取之而去嗟夫劉金者雖不足道然亦可謂雄勇之 夫物之奇者棄沒於幽遠則可惜置之耳目則爱者不 立于亭之南北亭负城而近以為滁人歲時嬉遊之好 尚有居谿旁者子感夫人物之廢與惜其可爱而棄也 乃以三牛曳置幽谷又索其小者得於白塔民朱氏遂

言難信頗疑非羽之説及得浮槎山水然後益以羽為 得張又新水記載劉伯易李季卿所列水次第以為得 自前世論水者皆弗道余嘗讀於經愛陸羽善言水後 山其事出於浮圖老子之徒荒怪誕幻之說其上有泉 浮槎山在慎縣南三十五里或曰浮闍山或曰浮巢二 /於羽然以茶經考之皆不合又新妄狂險論之士其 浮槎山水記歐陽修

|槎至其山上有石池涓涓可爱益羽所謂乳泉漫流者 次之井為下山水乳泉石池漫流者上其言雖簡而於 浮槎遠甚而入新所記以龍池為第十浮槎之水棄而 也飲之而甘乃考圖記問於故老得其事迹因以其水 軍留後出守廬州因遊金陵登蔣山飲其水既又登浮 論水盡矣浮槎之水發自李侯嘉祐二年李侯以鎮東 **小録以此知其所失多矣羽則不然其論曰山水上江**

欽定四庫全書

知水者浮槎與龍池山皆在廬州界中較其水味不及

卷五十七

勢然數令李侯生長富貴厭於耳目又知山林之為樂 後買賤之士有以自足而高世其不能兩得亦其理與 之士視天下之樂不一動其心或有欲於心顧力不可 無不得其欲者富貴者之樂也至於陰長松籍豐草聽 而其不可無者惟山林之樂爾惟富貴者而不得無然 得而止者乃能退而獲樂於斯彼富貴者之能致物矣 山溜之潺湲飲石泉之滴瀝此山林者之樂也而山林 遺余於京師予報之曰李侯可謂賢矣夫窮天下之物

政所至有能名凡物不能自見而待人以彰者有矣其 木之生或檗而殤或拱而夭幸而至於任為棟梁則代 歐陽修記 物未必可贵而因人以重者亦有矣故予為志其事俾 世知斯泉發自李侯始也三年二月二十有四日盧陵 至於攀緣上下幽隱窮絕人所不及者皆能得之其萬 取於物者可謂多矣李侯折節好學喜交賢士敏於為 不假山記 蘇洵

好定四庫全書

卷五十七

其有數存乎其問且其葉而不獨拱而不夭任為棟梁 幸者之中又有不幸者馬子家有三拳子每思之則疑 好事者所見而為樵夫野人所薪者何可勝數則其最 沈汨没於湍沙之間不知其幾百年而其激射蓋食之 破折不腐則為人之所材而有斧斤之患其最幸者漂 餘或髣髴於山者則為好事者取去彊之以為山然後 不幸而為風之所拔水之所漂或破折或腐幸而得不 可以脱泥沙而遠斧斤而荒江之濱如此者幾何不為

大八旦日本人上で

拳而发然决無阿附意吁其可敬也夫其可以有所感 之二拳二拳者莊栗刻峭凛乎不可犯雖其勢服於中 所敬馬子見中奉魁岸路肆意氣端重若有以服其旁 之則非徒愛其似山而又有所感馬非徒愛之而又有 而不伐風拔水漂而不破折不腐不破折不腐而不為 人所材以及於於斤出於湍沙之間而不為樵夫野人 所新而後得至乎此則其理似不偶然也然子之愛 卷五 †

たこりりいる 者七人甲胄執幟植者十人負者七人偃寢休者二 兵立者十人 雜古今人物小畫共一卷騎而立者五人騎而被甲載 而驅牧者二人坐而指使者一人甲胄手弓矢鈇鉞植 (騎而下倚馬臂隼而立者一人騎而驅涉者二人徒 - 牽者十人騎且負者二人騎執器者二人騎擁田大 畫記韓愈 人騎而牵者二人騎而驅者三人執羈勒立者二 一人騎執大旗前立騎而被甲載兵行且 艾编 Ī

火者一人雜執器物役者八人奉壺矢者一人舍而具 金片口压石量 中又有上者下者行者產者涉者陸者翹者顧者鳴者 食者十有一人挹且注者四人牛牽者一人驢驅者四 甲胄坐睡者一人方涉者一人坐而脱足者一人寒附 寢者訛者立者人立者此者飲者溲者陟者降者痒磨 大小百二十有 三而莫有同者馬馬大者九匹於馬之 一下者三人孺子戲者九人儿人之事三十有二為人 一人杖而負者婦人以孺子載而可見者六人載而 苍五十

師甚無事同居有獨派生申叔者始得此畫而與余彈 之具二百五十有一皆曲極其妙貞元甲戌年余在京 · 門之屬餅盂簽笠筐筥崎釜飲食服用之器壺矢博弈 驢如豪駝之數而加其一馬隼一大羊狐兔 麋鹿共三 走者載服物者載狐兔者凡馬之事二十有七為馬大 十旃車三兩雜兵器弓矢旌旗刀劒矛楯弓服矢房甲 小八十有三而莫有同者馬牛大小十一頭橐駝三頭 樹者嘘者嗅者喜相戲者怒相踶齧者秣者騎者驟者

とこうら ここう

艾編

暴余幸勝而獲馬意甚惜之以為非一工人之所能運 國本絕人事而模得之遊閩中而喪馬居閒處獨時往 之手模也亡之且二十年矣余少時常有志乎兹事得 侍御者君子人也見之戚然若有感然少而進曰噫余 京師至河陽與二三客論畫品格因出而觀之座有趙 思蓋聚集衆工人之所長耳雖百金不願易也明年出 不能為已且命工人存其大都馬余既甚爱之又感趙 人余懷也以其始為之勞而夙好之篤也今雖遇之力

多片四库全書

欠ろすること 老未當騎馬在獨人中耳目認跟然專求其所好長七 所見脱衣報食求之不問有無居京師四十年出入問 以自娱而已不求人知獨好法書名畫古器異物遇有 也舉進士不第即棄去當以陰得官亦不就讀書作詩 石康伯字幼安蜀之眉山人故紫微舍人昌言之幼子 以自釋馬 君之事因以贈之而記其人物之形狀與數而時觀之 石氏畫死記蘇城

官與富鄭公俱得罪者其子夷庚也其家書畫數百軸 安識處甚遠獨口不言耳今年六十一狀貌如四十許 之無難色凡識幼安者皆知其如此而余獨深知之幼 一管不知者以為 異人也又善滑稽巧發微中旁人抵掌 有客於京師而病者朝界置其家親飲食之死則棺敛 絕倒而幼安淡然不變色與人游知其急難甚於為已 尺黑而髯如世所畫道人劒客而徒步塵埃中若有所 人鬚三尺郁然無一並白者此豈徒然者哉為亳州職

金片四月全書

卷五十七

也似猶可貴况其真者吾行都邑田野所見人物皆吾 與可遊如兄弟故得其畫為多而余亦善畫古木載竹 たこうをいたう 見鬼此言真有理今幼安好畫乃其一病無足録者獨 畫笥也所不見者獨鬼神耳當賴畫而識然人亦何用 因以遗之使置之死中子由嘗言所貴於畫者為其似 著其為人之大畧 云爾 取其毫未雜碎者以册編之謂之石氏畫死幼安與文 洛陽牡丹記歐陽修 支編 Ī

者果天下之第一也洛陽亦有黄芍樂緋桃瑞蓮千 出三已下不能獨立與洛花敵而越之花以遠罕識不 彼上之尤傑者然來洛陽緩得備衆花之一 金片四月月十日 李紅郁李之類皆不减它出者而洛陽人不甚情謂之 見齒然雖越人亦不敢自譽以與洛陽爭高下是洛陽 今為天下第 牡丹出丹州延州東出青州南亦出越州而出洛陽者 花品序第 一洛陽所謂丹州花延州紅青州紅者皆 卷五十七 一種列第不 葉

重之如此說者多言洛陽於三河間古善地昔周公以 以為不然夫洛陽於周所有之土四方入貢道里均乃 之中草木之華得中氣之和者多故獨與它方異子甚 尺寸考日出没測知寒暑風雨乖與順於此此益天地 果子花曰某花某花至牡丹則不名直曰花其意謂云 下真花獨牡丹其名之著不假曰牡丹而可知也其爱 八州之中在天地崐岭旁薄之間未必中也又况天地 '和氣宜過被四方上下不宜限其中以自私夫中

欠已日年 在

支編

ī

害乎人者曰災不常有而徒可怪駭不為害者曰妖語 之地乎此又天地之大不可考也已凡物不常有而為 出其境則不可植馬豈又偏氣之美者獨聚此數十里 偏病則均洛陽城圓數十里而諸縣之花莫及城中者 和入故物有極美與極惡者皆得於氣之偏也花之鐘 金ピノロガノニア 其美與大瘦木臃腫之鍾其惡醜好雖異而得分無之 者不甚美亦不甚惡及元氣之病也美惡隔并而不相 和者有常之氣其推於物也亦宜為有常之形物之常 卷五十七

見其晚者明年會與友人梅聖俞游嵩山少室缑氏領 馬余在洛陽四見春天聖九年三月始至洛其至也晚 曰天反時為災地反物為妖此亦草木之妖而萬物之 石唐山紫雲洞既還不及見又明年有悼亡之戚不暇 怪也然比夫瘦木麻腫者竊獨鍾其美而見幸於人 **謁錢思公於雙桂樓下見一小屏立坐後細書字滿** 其極盛時然目之所矚已不勝其麗馬余居府中時 又明年以留守推官歲滿解去只見其蚤者是未嘗 Ė

